

日本漢文學百家集

王焱 編

183



YSP
北京燕山出版社



王焱 主編

日本漢文學百家集
183



北京燕山出版社

第一八三册

市隱草堂集 後編 卷三至卷八 遺編 一卷 安達清河著 享和二年
……
一

市隱艸堂集

後編
自三五四

市隱草堂集後編卷之三

烏山安修文仲著

東都

倉裕士寬

同輯

弟誠公質

伊達

稻垣長和惠明

同拔

東都

繩惟直溫卿

五言律詩下

卧雪

同雲低竹嶼片雪覆茅檐忽見青松變因知白髮添

畏寒先酌酒，護病早垂簾。縱似袁安卧，何人舉孝廉。

春雨獨居

連日雨冥冥，何人叩竹扃。梅花纔吐白，草色稍含青。
病懶詩難就，春寒酒易醒。悲鳴簷隙鳥，向夕不堪聽。

鳳洲館春集探韻

主人元傲吏，邀客避塵氛。春樹鶯更嘯，芳樽酒稍醺。
溝通龍谷水，海送鳳洲雲。忽訝遊仙境，瑤簫向晚聞。

濱公春宴雷雨俄至

忽見雲峰起，春天送早雷。驚風振林木，驟雨洗樓臺。

彩筆詩先就金樽酒復開醉疑餘白雪花落覆階苔

晚春同諸子遊伊瀆別墅分韻

主人多美酒那讓習家池覆地千花豔侵階百草滋
橋頭吟倚杖石上坐圍棋歸路童兒笑春風隨接羅

夏日重過伊瀆別業金子言齎具分韻

頗愛別莊幽相攜復此遊故人齎酒具我輩競詩籌
昨賞春芳盛今憐夏木稠半酣乘逸興吟步綠池頭

送原君寶歸罔藩

強欲留歸去春林響杜鵑跨鞍驅瘴癘挂席拂雲煙

袖嶽蒼穹，外岡城紫海，邊所親皆健在。酌酒話當年。

集狎鷗亭時予將遊長真髮山分韻

以下十六首
東毛紀行詩

江亭憐永日，霖雨未全晴。正有同袍宴，何堪分袂情。
欲求青桂侶，暫謝白鷗盟。豫識深山夕，徒聞伐木聲。

同滕子盈遊日光山十五首

濟勝伴門生，相扶籃輦輕。縱同陶令疾，尚有許詢情。
峻阪登還降，危峰陰復晴。放歌林木振，恐使鬼神驚。

其二

行過回馬阪，前路轉崎嶇。石上停肩輦，樹陰休僕夫。

深山人自少，虛谷鳥相呼。賴有風騷侶，提携興不孤。

其三

一水隨溪曲，繩橋渡幾回。激流疑捲雪，飛響訝奔雷。
樹被狂風仆，崖因暴雨頽。今吾乘此險，欲笑畏邛峽。

其四

誰不驚天造，峰頭怪石懸。晴空生霧雨，暗谷吐嵐煙。
忽聽雷聲殷，已看虹影鮮。慙吾無俊句，搔首念青蓮。

其五

有峰如劍，因名劍峰。架飛梁以通路。

碧澗深千丈，飛梁跨劍峰。清泉垂帛布，老樹亂鬢鬆。

應有靈仙宅尚存玄聖蹤香臺知不遠天籟送山鐘

其六

有寺名中禪釋勝道肇造

群峰爭巖巖髮髮最稱雄湖上浮仙島林端出梵宮
凭欄臨定水負杖嘯清風遺却人間世禪棲慕遠公

其七

髮髮為陽女髮為陰

仰望青旻外陰陽峰勢殊巨靈何歲擘造物至今扶
秘籙堪窺府真形好製圖孰知塵世客亦自入仙區

其八

丹沼有雙鶴自古樓焉

一路平原渺行吟丹沼濱雙棲元有鶴四顧絕無人

草色含煙淡林光經雨新夙知如此趣豈肯染紅塵

其九

行分寒篠繁古道滑苔痕樹倒驚龍卧石竒疑虎蹲
亂山紅日沒幽壑白雲屯知是靈泉近氤氳旅服溫

其十

釋天台海嘗浴溫泉
天台玉亦浴鳥

溫泉分五色可以瘡沈疴一自神僧浴終令帝子過
瓊華隨處有瑤草傍溪多欲學長生術仙遊定若何

其十一

時夏霜
降草萎

此境無炎熱淒其六月秋居民皆擁褐來客總披裘

原上霜先落山陰雪尚留懸知都輦友酣飲傲袁劉

其十二

清閨傾濁酒醉後伴樵翁湖面層崖倒雲端細路通
水光晴歛澹嶽色雨濛濛我愛天然景長康畫未工

其十三

留連經幾日日浴溫湯醪醴寧爭味蘭椒尚讓香
塵襟都洗滌清思一悠長容易新詩就高吟坐石牀

其十四

有樓名臨湖天
台玉所曾宿

湖畔有高樓玉喬嘗此留清波當檻澹佳氣傍軒流

月出金龍嶺，烟消玉兔洲。夜深聞鳳管，定是接浮丘。

其十五

我輩無仙骨，何能得久留。將辭猿噉噉，臨別鳥啾啾。
芳桂徒應茂，白雲誰與遊。此中難再到，歸路屢回頭。

秋雨偶成

軒車誰訪問，環堵晝蕭然。聲急芭蕉雨，望迷楊柳烟。
牀頭瓶已罄，壁上榻空懸。何以忘憂思，囊無買酒錢。

歲晚草堂集諸君奏樂

不厭茅堂陋，良朋此盍簪。瑤簫疑鳳嘯，玉笛似龍吟。

反顧誰言誤。三嘆皆賞音。忽聞喜春樂。忘却歲年深。
東毛滕伯泉來訪久別相遇情見于詞

湖海久飄零。相逢嘆水萍。容華吾已謝。鬢髮子仍青。
仙境遊應好。人間夢未醒。何年歸舊谷。共讀九丹經。

春日漫興

吾心甘隱逸。何以大名爲。多智猶難遇。不才宜見遺。
黃鶯能勸酒。春草况催詩。自適閒居志。醉吟高枕時。
飲山君猷穀坊僑居同西子友木父熙分部
君身有仙骨。何故在人寰。陌上紅塵起。壺中白日閒。

甘肴能養性美酒自留顏
幸得同歡樂無乘黃鶴還

諼洲新歲

早起窺園趣芳萱先已生
適憐新歲興却憶舊時盟
樽有忘憂物鳥爲求友聲
何當二三子攜手試春行

南浦曉別

星言辭驛舍前路傍江湖
數點餘漁火連鳴散宿鳥
風煙千里別書劍一身孤
南北從萍梗音塵竟有無

冬日獨酌憶友

暮天風稍緊寒犯敝貂裘
獨坐茅堂寂誰尋竹逕幽

無詩何解悶，有酒且忘憂。舊友山河外，相思回白頭。

歲晚偶成

片雪亂江天，風寒北嶼邊。有人棲白屋，無客坐青氈。
纔買杯中物，已空囊裡錢。浮生拚一醉，如夢送流年。

武子簡高子賢久無音問賦寄

州人 子羽

劉阮今何似，提携入羽山。尋花忘遠近，臨水弄潺湲。
玉醴能霑渴，丹砂長駐顏。知逢仙女樂，不復出人寰。

逆旅值梅雨

滯滯千里客，孤館日如年。蕭寂黃梅雨，空濛綠樹煙。